



**BOSANSKOHERCEGOVAČKI AUTO-MOTO KLUB**

**SEKTOR ZA INFORMISANJE I DOKUMENTACIJU (SID)**

**INFORMACIJA O SAOBRAĆAJNIM NEZGODAMA,  
NJIHOVIM UZROCIMA I POSLJEDICAMA U BOSNI  
I HERCEGOVINI U PERIODU JANUAR – JUNI  
2008. GODINE**

**Juli, 2008. godine**

## UVOD

Sektor za informisanje i dokumentaciju Bosanskohercegovačkog auto – moto kluba (SID) BIHAMK nastavlja sa sistematskim prikupljanjem svih dostupnih podataka iz oblasti saobraćaja, koristeći pri tome sve relevantne izvore.

U proteklih mjesec dana prikupili smo podatke od nadležnih institucija (Federalna uprava policije, MUP RS, MUP Brčko Distrikta) o stanju sigurnosti cestovnog saobraćaja u Bosni i Hercegovini u prvih šest mjeseci tekuće godine koje ćemo prezentirati u nastavku.

## STANJE SIGURNOSTI CESTOVNOG SAOBRAĆAJA U BIH

U skladu sa prikupljenim statističkim podacima od nadležnih institucija (Uprave Policije FBiH, MUP RS, MUP Brčko Distrikta), na bosanskohercegovačkim cestama u prvom polugodištu 2008. godine dogodilo se ukupno **19.197** saobraćajnih nezgoda od kojih su zabilježene **3.877** saobraćajne nezgode sa nastradalim/poginulim licima, te **15.322** nezgode sa materijalnom štetom.

U odnosu na isti period prošle godine, u prvih 6 mjeseci 2008. godine registrirane su 1.293 nezgode više, što izraženo u procentima prikazuje **povećanje od 7%**.

PODRUČJE	UKUPAN BROJ SAOBRAĆAJNIH NEZGODA		BROJ SN SA POGINULIM/ NASTRADALIM LICIMA		BROJ SN SA MATERIJALNOM ŠTETOM	
	2007	2008	2007	2008	2007	2008
FEDERACIJA BIH	12.979	<b>13.937</b>	2.625	<b>2.590</b>	10.666	<b>11.349</b>
REPUBLIKA SRPSKA	4.925	<b>4.930</b>	1.191	<b>1.186</b>	3.734	<b>3.744</b>
BRČKO DISTRIKT	**	<b>330</b>	**	<b>101</b>	**	<b>229</b>
<b>UKUPNO</b>	17.904*	<b>19.197</b>	3.816*	<b>3.877</b>	14.400*	<b>15.322</b>

\*\* nije dostavljen podatak

\* nepotpun podatak

Tabela 1. Usporedni pregled saobraćajnih nezgoda za period januar – juni 2007. i 2008. godine

U Federaciji BiH se u prvom polugodištu 2008. godine dogodilo 958 saobraćajnih nezgoda više u odnosu na isti period prošle godine, odnosno **više za 7%**.

U Republici Srpskoj zabilježeno je povećanje ukupnog broja saobraćajnih nezgoda za 5, što predstavlja zanemariv porast u odnosu na isti period prošle godine.


## POSljedICE SAOBRAĆAJNIH NEZGODA

Veliki broj saobraćajnih nezgoda, osim materijalne štete, za posljedicu ima i veliki broj ozlijeđenih i smrtno stradalih lica.

U saobraćajnim nezgodama u BiH tokom 2008. godine ukupno je poginulo **196** lica, dok je **4.923** lica teže ili lakše ozlijeđeno, što možemo detaljno vidjeti u sljedećoj tabeli:

PODRUČJE	UKUPAN BROJ SN		BROJ POGINULIH LICA		BROJ TEŽE OZLIJEĐENIH		BROJ LAKŠE OZLIJEĐENIH	
	2007	2008	2007	2008	2007	2008	2007	2008
Federacija BiH	12.979	<b>13.937</b>	106	<b>109</b>	729	<b>640</b>	3.046	<b>2.464</b>
Republika Srpska	4.925	<b>4.930</b>	104	<b>84</b>	361	<b>367</b>	1.242	<b>1.296</b>
Brčko Distrikt	**	<b>330</b>	**	<b>3</b>	**	<b>20</b>	**	<b>136</b>
<b>UKUPNO</b>	17.904*	<b>19.197</b>	210*	<b>196</b>	1.090*	<b>1.027</b>	4.288*	<b>3.896</b>

Tabela 2. Posljedice saobraćajnih nezgoda



Dijagram 1. Pregled broja saobraćajnih nezgoda u BiH, te broja ozlijeđenih lica u njima

U Bosni i Hercegovini je u prvom polugodištu primijetan porast broja saobraćajnih nezgoda, dok je ukupan broj poginulih lica manji za 14 lica u odnosu na isti period prošle godine, odnosno **manji za 7%**. Broj ozlijeđenih lica je **manji za 9%**.

Prosječno je svaki dan zabilježeno 105 saobraćajnih nezgoda, u kojima je svaki dan stradalo 27 lica.

## UZROCI I MJESTO NASTANKA SAOBRAĆAJNIH NEZGODA

Veliki broj saobraćajnih nezgoda na našim cestama, rezultat je prvenstveno nepoštivanja saobraćajnih pravila i propisa, kao i niskog nivoa saobraćajne kulture većeg broja učesnika u saobraćaju.

Nepropisna, prevelika brzina kretanja i brzina neprilagođena uslovima na cesti su jedan od najčešćih uzroka nastanka saobraćajnih nezgoda (oko **24%**), zatim slijede saobraćajne nezgode nastale uzrokovane radnjama vozilom u saobraćaju, nepoštivanje prvenstva prolaza, te saobraćajne nezgode nastale zbog vožnje pod uticajem alkohola i opojnih droga, te ostali uzroci...

Najveći broj saobraćajnih nezgoda zabilježen je na ulicama u naselju, na kojima se desilo oko 48% od ukupnog broja nezgoda, zatim na magistralnim cestama oko 26%, te regionalnim i lokalnim cestama.